

重刊道藏輯要

張三丰先生全集

漢嘉長乙山人李西月重編 張道淵子深氏敬書

閩中朱道生晚成子敬刊

姪 瑛春城

朱 瓚素園全校字

男 璜礪溪

玄要篇下

登高臺

按參同契有瞑目登高臺之句猶言抉破重玄使人心目明亮如登高臺遠近皆見也調名取此

金丹造化妙難言玄微道理誰分辨幸遇明師指扶破水中天

道藏輯要

三丰全集 玄要篇下

三 續畢集八

先教咱守定玄關盤膝坐調神理氣除思慮塞兌垂簾次教咱
鼓動巽風搬運水火守固真精保定元陽撥轉天關又只見黃
河水滔滔逆流從湧泉灌尾閭至夾脊升上泥丸過明堂入華
池神水漸漲下重樓入絳宮直至丹田這纔是築基煉已從今
後住世延年 更欲求最上乘飛昇道理還教咱重安爐復立
鼎採取先天配後天遇子午專行火候逢卯酉沐浴金丹再教
咱先明天地機次把陰陽辨有天先有母無母亦無天這纔是
大道根源把周天從頭數將乾坤顛倒安採後天殷勤玉煉奪
先天成聖成仙 我已曾拜明師心心相授口口相傳築基時
先明橐籥煉已時只用真鉛坎中滿離中虛取坎還

此乃小還丹功夫

填逆成仙龍吞虎髓順成人虎奪龍涎喜的是木龍藏汞愛的
是金虎吐鉛月之圓存乎口訣時之子妙在心傳採先天之功
全憑戊己奪後天之炁龍虎初莖 青龍白虎相爭戰玉兔金
烏一處搏防只防身中無慧劍怕只怕急水灘頭挽不住船等
只等黃婆勾引候只候少女開蓮此事難言五千日內君須算
三十時辰暗裏盤子前午後分明看鉛陽未動癸現於前真鉛
真陽隨後邊藥到臨爐此時休息慢急速下手擒人關隨後用
六百抽添十月胎圓嬰兒出現面壁九年獨露真詮纔做箇閻
苑蓬萊物外仙

道藏輯要

三丰全集

玄要篇下

三

續畢集八

按祖師詞曲前無所譜只在發明丹旨耳然譜皆古人所創
何妨自我作古耶登高臺本參同之句以為調名恰與玄音
雅稱或謂立題固妙分段太多不知詞譜中如哨遍鶯啼序
之類亦有三四段者此分四段有何不可不得以令慢單雙
相拘也

天仙引

俗作南宮詞原名天仙引按悟真云學仙須是學
天仙惟有金丹最的端原名取此望人甚深後四
調稍有不同即以詞家
分體論此篇作第一體

因尋地內天為覓雲中電時時降意馬刻刻鎖心猿晝夜不眠
煉已功難間持心志愈堅閉三寶內守深淵擒五賊外觀上苑
令彼我如如穩穩使陰陽倒倒顛顛退羣魔全憑慧劍採烏龜
始氣取白虎初莖將天根直豎把月窟空懸顯神通向猛火裏